

中國宗教歷史文獻集成續纂委員會續纂

卷一百一十五

藏外佛經



中國宗教歷史文獻集成之一

藏外佛經

新學
研究
PDG

中國宗教歷史文獻集成編纂委員會編纂

藏外佛經

第十八冊

黃山書社

藏外佛經
第十八冊
PDG

图书在版编目(CIP)数据

中国宗教历史文献集成. 18, 藏外佛经/周燮藩主编; 方广锬分卷主编. - 合肥: 黄山书社, 2005. 10
ISBN 7-80707-295-4

I. 中… II. ①周…②方… III. ①宗教-史籍-中国②佛教-文献 IV. ①B929.2②B94

中国版本图书馆 CIP 数据核字(2005)第 117839 号

数字图书馆
PDG

藏外佛經第十八冊目次

石門文字禪三十卷

德洪著
民國木刻本

.....一

祖堂集二十卷

釋靜
釋筠編撰
高麗刻本

.....三四七

德洪著

民國木刻本

石門文字禪三十卷

石門文字禪

德洪著

石門文字禪 三十卷 宋德洪著

依民國十年常州天寧寺刻本印

序	目錄	卷一	卷二	卷三	卷四	卷五	卷六	卷七	卷八	卷九
明鑑錄	古詩	古詩	古詩	古詩	古詩	古詩	古詩	古詩	古詩	排律
三八〇五九	三八〇五九	三八〇六〇	三八〇六九	三八〇八一	三八〇九一	三八一〇一	三八一一一	三八一二一	三八一三一	三八一四二

卷十	五言律詩	三八一四三
卷十一	七言律詩	三八一五〇
卷十二	七言律詩	三八一六一
卷十三	七言律詩	三八一七一
卷十四	五言絕句	三八一八二
卷十五	六言絕句	三八一九三
卷十六	七言絕句	三八一九五
卷十七	七言絕句	三八二〇一
卷十八	偶頌	三八二一五
卷十九	贊	三八二二九
卷二十	贊	三八二四一
卷二十一	銘	三八二五五
卷二十二	賦	三八二六八
卷二十三	詞	三八二七五
卷二十四	記	三八二七六
卷二十五	記	三八二七八
卷二十六	序	三八二九一
卷二十七	序	三八三〇三
卷二十八	記語	三八三一五
卷二十九	題	三八三二四
卷三十	題	三八三三七
卷三十一	題	三八三四一
卷三十二	疏	三八三五二
卷三十三	書	三八三六五
卷三十四	塔銘	三八三七七
卷三十五	行狀	三八三八二
卷三十六	傳	三八三八九
卷三十七	祭文	三八三九四
卷三十八	祭文	三八三九七

石門文字禪序

夫自晉宋齊梁學道者爭以金屑翳眼而初祖東來
應病投劑直指人心不立文字後之承虛接響不識
藥忌者遂一切峻其垣而築文字於禪之外由是分
疆列界剖判虛空學禪者不務精義學文字者不務
了心夫義不精則心了而不光大精義而不了心則
文字終不入神故寶覺欲以無學之學朝宗百川而
無盡歎民公南海波斯因風到岸標榜具存儀刑不
遑嗚呼可以思矣蓋禪如春也文字則花也春在於
花全花是春花在於春全春是花而曰禪與文字有

石門文字禪序

二乎哉故德山臨濟棒喝交馳未嘗非文字也清涼
天台疏經造論未嘗非禪也而曰禪與文字有二乎
哉逮於晚近更相咲而更相非嚴於水火矣宋寂育
尊者憂之因名其所著曰文字禪夫齊秦構難而按
以周天子之命令遂投戈卧鼓而順於大化則文字
禪之爲也蓋此老子向春臺損眾芳諦知春花之際
無地寄眼故橫心所見橫口所言闢千紅萬紫於三
寸枯管之下於此把住水泄不通卽於此放行波瀾
浩渺乃至逗物而吟逢緣而咏竝入編中夫何所謂
禪與文字者夫是之謂文字禪而禪與文字有二乎

哉噫此一枝花自瞿曇拈後數千餘年擲在糞掃堆
頭而寂音再一拈似卽今流布疎影撩人暗香浮鼻
其誰爲破顏者

明萬曆丁酉八月望日釋達觀撰

石門文字禪序目錄

石門文字禪目錄

卷一之八

古詩

卷九

排律 五言律詩

卷十之十三

七言律詩

卷十四

五言絕句 六言絕句

卷十五之十六

七言絕句

卷十七

偈

卷十八之十九

贊

卷二十

銘 詞 賦

卷二十一之二十四

記 序 記 語

卷二十五之二十六

石門文字禪目錄

題

卷二十七

跋

卷二十八

疏

卷二十九

書 塔 銘

卷三十

行狀 傳 祭文

目錄終

三

通一

石門文字禪卷第一

宋江西筠溪石門寺沙門釋德洪覺範著

門人覺慈編錄 毘陵天寧法雲堂校

古詩

謁狄梁公廟

九江浪粘天氣勢必東下萬山勒回之到此竟傾瀉
如公廷諍時一快那顧藉君看洗日光正色甚閒暇
使唐不敢周誰復如公者古祠蒼煙根碧草上屋瓦
我來春雨餘瞻歎香火罷一讀老范碑頓塵看奔馬
斯文如貫珠字字光照夜整帆更遲留風正不忍掛

石門文字禪卷一

四

通一

謁蔡州顏魯公祠堂

開元天寶政多暇孽臣姦驕濁清化尺八橫吹入醉
鄉國柄倒持與人把漁陽番將易漢官在廷之臣無
諫者蟠龍衣錦光照眼更覺霓裳韻和雅叛書夜到
華清宮符呂骨驚天子訝二十四城陷同日長嗟乃
爾忠臣寡聞傳平原城壁堅穴鼻可以牯牛馬譬如
灩預屹中流江勢遠來波倒射吾知守職事主耳行
藏初不較用捨公時風姿入睿想貫日精誠震天下
我行上蔡黃犬門驚風急雪吹平野嬌鶉暮集村不
覺古祠窈窕連桑柘聖朝亦旌異代忠軒然眉鬚入

圖畫和如戲泚盧杞題儼若夢令希烈怕至今握拳
透爪地想見怒詞猶慢罵聲光自與日月爭事之成
敗其天也此詩我欲掃東壁入字端宜擘窠寫便覺
雲收六合陰春隨喜色生晴野

同彭淵才謁陶淵明祠讀崔鑒碑

武王既伐紂乃不立微子雖有去惡仁終失存商義
夷齊不肯臣甘作首陽死下視莽操輩欺孤奪幼稚
汗面亦戴天特猴而冠耳桓公弄兵權劉裕竊神器
先生於此時抽身良有以袖手歸去來詩眼飽山翠
追還聖之清太虛絕塵滓長恨千載心斷絃掩流水

石門文字禪卷一

五

通一

崔子果何人賞音乃知此與君讀此碑相視一笑喜
題李愬畫像

淮陰北面師廣武其氣豈止吞項羽君得李祐不肯
誅便知元濟在掌股羊公德化行悍夫卧鼓不戰良
驕吳公方沈鸞諸將底又咲元濟無頭願雪中行師
等兒戲夜取蔡州藏袖裏遠人信宿猶未知大類西
平擊朱泚錦袍玉帶仍父風柱頤長劍大梁公君看
韃靼見丞相此意與天相始終

同景莊游涪溪讀中興碑

上皇御天功最盛生民溫飽卧安枕醉凭艷姬一咲

適薄夫議之無乃甚長安遮天胡騎塵潼關戰血深
沒人哥舒臣賊不足惜要樹國忠如膽鱗蒼黃去國
食不暇馬嵬賜死謝天下反身罪已成湯心奈何猶
有譏之者取非其子又遽忽靈武君臣無忤容何須
嗚咽讓袞服自控歸鞍八尺龍誰磨石壁湘江上楷
拭雲煙濺驚浪龍蛇飛動忠義詞顏元色莊儼相向
與君來游秋滿眼間行古寺西風晚道人興廢了不
知但見游人來讀碑

陳氏貫時軒

春風著萬物粉飾相明鮮雪霜摧壓之无情如世權

石門文字禪卷一

六

通一

問誰不可犯掛此蒼王椽斫頭未易屈槍地猶傲然
相逢凋零中秀色披晴煙陳侯我輩人逸氣傾羣賢
閒軒冷相向酬酢忘歲年我來作風聽夜雨雜山泉
攜袂願假宿與子對牀眠

洞山祖超然生辰

希郎真吾道門友初見忘年今耐久天機深穩道骨
清詩句誰令愕人口可憐佳處未全知但見茲篇氣
渾厚我生癡魯人所棄洞視胸中了無有但忻所至
有青山依倚叢林遮百醜君才一籌勝却我胡爲包
腰反隨後人生嗜好調自殊海上舊聞人逐吳江南

長憶好雲泉今日雲泉長入手萬頃蒼然几校間作
詩舉以爲君壽理毫聊爲試冰華小字明聰看揮肘
懷慈廓然

蕭蕭暑雨過空山成夜晴月出東南峯娟娟風露清
飛螢自閃合寒蟬亦悲鳴興來忽獨往聽此落磬聲
永懷西湖上絕景玉壺明松際脩然姿振策自經行
卽欲呼就語忽隔千里程何時徑尋子夜航過臨平
呼猿何足道摩雲亦虛名未若揮法眼能識廓然兄
應知像教未大法欲欬傾談笑復一出要使萬世驚
燈火作朝夕已有相似情願隨人天會仰看辯縱橫

石門文字禪卷一

七

同超然無應飯柏林寺分題得柏字

沙村宿雨餘炊烟淡寒色山墟蠶市休野飯漁舟隔
忽逢柳際門知有道人宅扣扉山苔響童子出迎客
空庭竟何有凍死千歲柏鐘鳴食時至老僧揖就席
香秬定宿春露葵應曉摘羌飢一飯美何啻萬錢直
風軒納山翠引手捫石壁爰此玉崔嵬歲久自崩折
下有洞渦泉甘涼冰齒煩勿輕一豚微去漲萬頃澤
吾行無疾徐住佳去亦得欲收有聲畫絕景爲摹刻
興來勿復緩轉顧成陳迹

次韻超然游南塔

邊塔不忍去新涼生早秋不見江西月一水空悠悠
龕燈耿畫影遺像青雙眸永懷皇祐間曾此狎沙鷗
往事已陳迹疊碣撐高樓公昔從吾祖來往亦風流
但餘松菊在井臼遺林丘高風不可攀落日令人愁
倚杖哦清詩溪風波白頭脉脉不能語歸心浩難收
今已不如古無復相綢繆何當効船子華亭從釣舟

大雪戲招耶溪先生鄭元佐

昨夜顚風吹裂石曉來雪片大如席耶溪先生醉不
知擁絮雷霆喧鼻息癡奴搥門呼不應但聞含糊語
呵叱先生行世如行川虛舟觸人無怨言逢人覓錢

石門文字禪卷一

八

通一

卽沽酒得錢不謝猶傲然我欲看君墮幘醉便覺兩
頰微渦旋欬段自能馱醉起歸路逆風吹凍耳入門
兒女啼飢寒瞪目瞭然作直視

送英老兼簡鈍夫

靈源道價壓四海骨相正似陳睦州去年龍山同坐
夏時君亦來從我游聞傳詩膽抵身大時吐佳句凌
湯休故山歸去恰千里翼足過我不肯留行看海上
菰子熟落枝丹艱無人收應共鈍夫行樹下未輸分
柿獨風流

次韻龔德顏柳帖

願柳以字名畫法可究後世何寂寥此輩了無有
皆云學未至妙不應心手那知斯人徒德高名往就
字工德不修名與身俱朽吾子佳少年俊氣駒方驟
新詩作行草開軸龍蛇走坐客口爲愕我亦知有首
積墨如陂池積筆高隱阜學之不至顏要亦終至柳
此詩聞東坡請君書座右

神駒行

沙丘牝黃馬已死俗馬千年不能嗣忽生此馬世上
行神駿直是沙丘子紫駭爭光夾鏡眸轉顧略前批
竹耳雪蹄卓立尾蕭梢天骨權奇生已侶綠絲絡頭
沫流鬚繡帕搭鞍初結尾決驟意態欲騰驤奔逸長
鳴抹千里

石門文字禪卷一

九

一

桐川王野夫相訪洞山既去作此兼簡直夫

野夫加於人一等玉骨春容含秀整已驚詞源倒三
峽會看聲名重九鼎江南盡處山作堆雨餘青碧數
峰開那知萬壑千巖處風帽寒驢能獨來鳳凰驚驚
未入眼今譏鶴雛猶恨晚與關掉頭不肖留出門去
袂聊一挽君家富貴若騎虎擁鼻未免非虛語何當
解帶食太倉時時攜被宿玉堂

贈范伯履承奉二子

大范風月湖小范煙雨柳清明與秀微風度隨付受
醉闌看落筆已覺風助肘聲名定追尋公卿在懷袖
江湖方縱浪第未一唾手乃公幹國器議論在人口
謫居長閉門藥方曾校否著書亦細事用舍付杯酒
君看雨圓鳩雨晴定呼舊

贈汪十四

石麒麟兒天上物英姿秀微氣超忽我非寶公亦識
君嘉期半千知一出五色毫端欲飛動萬卷胸中正
撐突會當談笑取卿相先看唾手斫月窟詞鋒堂堂
無筆陣人笑我頑取纓紱昨日廣貯一百篇連紙風

石門文字禪卷一

十

一

雷出倉卒我詩拙惡未全貧君語定知窮到骨朝來
爽氣西山高倚杖風流如拄笏祇恐與君汗漫游共
跨長鯨過溟渤

贈蔡儒効

我家與君鄰屋居君昔未生先長我君髮齊眉我總
角竹居讀書供日課君誦盤庚如注瓶我讀孝經如
轉磨長老奇君王佐才拭目願顯觀長大十三環坐
同賦詩出語已能驚怯懦風雷遠紙成千篇棄遺不
惜如零唾神思義表文融明清絕如珠不受涇江左
相傳紙價增東坡一讀不復和懷高識遠不可屈功

咸回首破甌墮家貧口眾難自安出圖斗粟充飢餓
開闢筆陣掃萬人上國英雄膽先破殿前作賦聲摩
空盛名四海爭掀播華裾如蔥馬如龍九衢突若流
星過我經憂患早衰微生怕虛名招實禍方衣童首
住江村飽飯愛尋閒處卧睡餘信手摸書看會意起
來行復坐林泉成趣亦題詩年來藁帙成堆塚仙郎
開卷面發光誇我雄詞驚李賀相期他日同此遊先
買鄰庵山數朶青松白石間此言共作廬山二十箇
豆粥

出碓新秬明玉粒落叢小豆楓葉赤井花洗杭勿去

石門文字禪卷一

十一
通一

其抄瓶煮豆須彌日五更鍋面漚起滅秋沼隆隆疎
雨集急除烈焰看徐攪豆才亦趑趄洞洞入須臾大杓
傳淨甕浪寒不興色如栗食餘偏稱地爐眠白灰紅
火光濛密金谷賓朋怪咄嗟羹亭君臣相記憶我今
萬事不知佗但覺銅瓶蚯蚓泣

十二月十六日發雙林登塔頭曉至寶峯寺見

里重繪出庵主讀善財徧參五十三頌作此

兼簡堂頭

十年懷石門今日石門去雙林動曦光跋河開宿霧
力微藉古藤泥軟脫芒履風泉白雲壑夜雨青松路

我生百事廢齒髮行衰莫但餘愛山心不逐年華故
此山甲天下自昔家吾祖峯如青蓮花千葉曉方吐
煙雲浮香色清涼洗肝腑異哉萬木間白塔巋然古
此老無恙時超放殊媚嫵萬象供談笑大千爲戲具
我曾從之游絕廬追逸步誰云今已亡塔開全體露
永懷憑妙觀此意竟淒楚那知深林間聊與故人遇
電眸霹靂舌咳唾成妙語筆端撼江海千偈浩奔注
人間有此客自可忘百慮堂頭百衲師疑疑法王輔
君看說禪口未肯讓前古夜闌對昏燈豪邁激頭魯
相逢俱偶然此生眞逆旅何當各努力業已共騎虎

石門文字禪卷一

十三
通一

詩成對軒渠一笑小天宇

留題三峯壁間

三峯棧厠如削玉一派懸泉瀉寒綠平生山水性貪
婪聊與白雲相伴宿松風竹露有餘清夜伴孤月依
驚極神凝氣爽睡無夢不聞樓上霜鐘鳴庵頭禪翁
頭雪白麻衣草履提筇策謂予久與世緣疎青眼逢
迎喜詩客三峯高兮溪水深造物留之無古今新生
松竹不須剪四時風露常蕭森粥罷收盂知我去殷
勤乞與題詩句山頭塵土任茫茫白雲自在來時路
華光仁老作墨梅甚妙爲賦此

雪裏梅開何草草欲問清香無處討回看水際竹叢
邊寂寞閑愁洗粧早東坡戲作有聲畫竹外一枝斜
更好但恐金鬚容易墮額黃雖妙難長保笑笑先生
獨愛竹雪壁風梢麝煤掃應爲冰姿不可傳醉裏相
忘亦顛倒慚愧高人筆下春解使孤芳長不老從來
病眼錯黃昏隔霧相看更相惱

仁老以墨梅遠景見寄作此謝之二首

荒寒掃橫斜稀疎開未徧煙昏雨毛空標格終微見
吳姬風鬢亂睡色餘妬面誰令種性香風味極不淺
道人三昧力幻出隨意現塞管玉纖寒無勞寫哀怨

石門文字禪卷一

三

通一

○數筆何處山領略分樹石遠含千里姿間見復層
出我本箇中人慣卧蒼崖側借路行人間勃土相欺
得那知一幅中見此晚秋色悠然欲歸去遠壑誰同
陟旁人笑絕纓捲卷成陳迹

上巳日有懷昔從雲庵老人此日山行

今年上巳日久客望江南雙林接脩水石路入煙嵐
千峯出雲雨空谷吞寒潭蒼杉鬱童童秀色動雲庵
不見庵中人青燈耿塵龕空餘行樂處攀翻聞笑談
風光與節物觸愁味參參臨高望煙靄哀涕落春衫

次韻胡民望小蟲墮耳

先生素坦率元日慵拜賀獨從耶溪翁掩門作清坐
一尊對喧譁酒酣巾幘墮忘形到挽鬚困倒相枕卧
一蟲輒墮耳忽覺風雨過隆隆竟不已亟起呼燈火
頗疑含沙流射影陰中禍蟲亦意墮井谷嗟恨坎珂
豈曰無意出欲出但未果驚憂發清詩怨語終婀娜
夫子英偉姿奇韻出羈鎖那知乘一醉遭此微物挫
鬬螳眞鬪牛此事古亦夥置之勿復疑自可平物我
我詩無好句聊復相唱和恐亦有佳處一笑千愁破

贈歐陽生善相

薛公衣尙敝飢腸轉鳴雷天子征遼東細君笑唇開

石門文字禪卷一

十四

通一

吾夫雖奇寒一本作吾夫要是高世材發必藉時耳今
豈其時哉往見張將軍喜曰眞吾儕三矢定天山英
聲馳九垓房杜未肉食席門蒙積埃但餘王氏子文
字相追陪賢哉太夫人智鑑照襟懷嘗自撫其子國
鼎眞鹽梅但未識其友試與俱而來窺窬見之喜重
使羅尊疊果見貞觀間相逐登三台予嘗閱舊史至
此嘗徘徊數子初未貴踴躍蒿與萊而彼一女子底
蘊遭窺猜何知婁師德碩大非栽培譬之萬頃波但
見琉璃堆倔強如梁公包撫等嬰孩掩卷發長想鄒
客爲崩頽吾今著田衣百念如冷灰功名一破甌掉

臂首不同頗怪歐陽生諛語坐差排人生如逆旅歲月苦逼催懸知賢與愚終作土一坏美惡何足道君亦眞慨諸愚賢君勿取吾肯罪形骸不肖君謂賢是適爲吾哈重輕寧在子意子定癡猷所喜亦消散時過茅齋明日念當行引紙研松煤詩成極醇醲蒲萄初撥醅

贈許邦基

邦基今年方十九美如濯濯春月柳龍章風姿絕世無金馬玉堂如故有酒闌愛捉玉麈尾玉色正同批詰手高燒銀燭擁新粧看君落筆龍蛇走欲驅清景

石門文字禪卷一

圭

通一

入秀句萬象奔趨不敢後人疑錦繡纏肺腸不然筆端應有口謫仙風流今復見况亦彷彿外塵垢但恐功名纏縛人未放青山掛窓牖

送正上人歸黃龍

道人泉南來音姿頗純美觀其略笑語亦自飽風味相看坐終日孤月墜止水但見篆畦間青煙行未已朝來忽去我秋風動衣袂試問安所之笑指千峯裏秋晚當相尋結伴入層翠

贈吳世承

吳郎氣高明溫然見標格文章當世家風流走上國

清談落玉麈醉袖餘詩墨一種富貴韻綠髮映坐客便覺儒生寒枯衰酸凍色解來古招提爐香伴禪寂宗之果瀟灑壁門應夜直歲晏或來歸共理登山屐

次韻寄吳家兄弟

朱門連屬南昌郡東湖褒賢拔高峻西山卷簾入欄楯富貴遮人不客進我初見之不敢睥吳家諸郎特風韻戲語嘲之終不愠筆鋒落處風雷起冰華百番一揮盡紅粧聚看眼波俊一堂喧闐客懽甚大厦吞風簷月近君看渥洼本龍孕俗馬那能著神駿

香城懷吳氏伯仲

石門文字禪卷一

圭

通一

西山遭霧雨形勝久抑鬱雲開誰使令千峯爲子出骨瑛淡如秋談笑極強倔扶提登高閣慷慨問陳迹特欣疊巖醉不受澄觀律加額想諸郎豪氣洗寒乞新莊花成輪春生夢蝶室清境乃不游萬壑同稱屈洪崖清不殺笑傲時出沒路逢騎雪精挾以兩橘栗大雪晚睡夢李德修插瓊花一枝與語甚久既

覺作此詩時在洞山

窮年踏黃塵旅臥每自鄙此山頗岑寂飲食亦清美瘦藤當一折且作終老計曉堂看春雪秀色淨窓几爐暖倚蒲團頽然成坐睡君從何所來會我清夢裏

瓊花斜長帽睥子湛秋水伊予難催笑磨阿竟何事
忽然長揖去驚覺在千里人生孰非夢安有昏旦異
心知目所見歷歷皆虛傳他日或相逢何殊開曉寐
此詩當見渠一展笑相視

汪履道家觀所蓄煙雨蘆鴈圖

西湖漠漠生煙雨浦浦圓沙鳬鴈聚今日高堂素壁
間忽見西湖最西浦翩翩兩鴈方欲下數隻飄然掠
波去獨餘一隻方穩眠有夢不成亦驚顧蕭梢碧蘆
秋葉赤青沙白石粉無數我本江湖不繫舟爾輩況
亦江湖侶令人便欲尋府郎呼船深入龍山塢

石門文字禪卷一

七

蘇子平汪履道試李潘墨

南陽國師古禪伯玉殿以棋聊戲客客雖四海基絕
倫我解兩奩俱用黑侍臣大驚帝微笑客亦袖手吁
莫測黑中優劣自能分正似蘇汪今試墨老潘氣韻
凌阿寬二李不平有矜色坐令好事旁舍郎瞠視無
言受巾輟我非南陽不能辨以手捫頭空嘆息徑當
相攜詣瞽叟夜半一辨須明白

之

陸上人歸省觀留龍山爲予寫起信論作此謝

芙蓉阿隆耽雨耳急性天然緩如葦懷親徑歸不肯

留少留龍山今月矣新交未數故人稀睡足明窓臨
渠几管城落帽爲微笑便覺金光走龍尾試校驚經
拂硬黃傳此寶書千餘紙紙光葉葉揭筠膜字工哉
我行凍螳勝公昔讀龍宮文百本妙談此其髓流落
人間今幾年此去西天十萬里我寄閑房古寺中間
風著龜自當止自非道人三昧力此書何以能至此
炷香一讀萬緣空海印發光初按指願君垢盡鷄出
燭亦於此法信根起生生要續無盡燈照了無明癡
種子

送元上人還桂陽建轉輪藏

石門文字禪卷一

六

趙州飽叢林懶懶亦懶便起步作欠伸藏經終一遍
投子猶可駭手足未舒展但於數字中演出五千卷
兩翁古禪伯措置令人羨安知塵塵中法輪常自轉
無數妙章句函匳金碧眩芥子瑠璃瓶歷亂齊發現
頗怪老龍華底事別營建幻出諸鬼物奇狀分百變
疾馳並推轂過目等飛電萬眾初錯愕熟視生悲戀
譬如觀寫照筆下出眉面爭貴紙上容活者反棄賤
乃知像教末妙理蔽浮淺要令齒髮輩種性受熏煉
元禪今南歸酬此夙所願我作送行詩敗墨磨破硯
詩成一大笑相顧春風軟會看出談笑錯落照深殿

想見午梵清隨喜時遶遊

贈淨上人

金華上人牧羊伴來尋江南好山看西湖毛骨漱秋
光野鶴精神照冰段嗟余塵事苦相羈縶項蒼顏老
路歧二年來往南州浦古寺閒行三見之生涯初不
受塵垢到客踟躕聽秋雨玉軸已閒經半掩銀葉未
寒煙一縷雲泉佳處包當解未暇從人覓錢買不嫌
高笑常垢汗與子俱載歸東吳

贈器之禪師

器禪鄱水來一鉢自笑傲偶然家此山十見青林槁

石門文字禪卷一

尤

通一

寒骨聳詩律枯筆作行草韻如絳闕客日月不能老
伊余曾聞名再見遂傾倒情高付無求語妙知有道
茲山得君居便覺山愈好何時卜東巖隣徑雲共掃
時時從君游吐詞覓遺藁

秀上人出示器之詩

川原積雨收餘陰閣新晴一宿古蘭若歸夢有餘清
清晨起危坐笑看煙縷橫讀此阿師詩秀絲出盆明
中有眾谷髓氣和李騎鯨遙知落筆處遠紙風雷生
世無歐陽公意氣相倒傾豈當棄置此終老黃茆坑
雲居道疑大上藍持簡精藉渠一笑起頽綱相拄撐

秀也舊不識一見氣不矜索詩亦不惡寫此抑鬱情
持以示流輩試令俗眼驚

送雷從龍見宣守并序

韓子蒼少時從雷從龍先生游子蒼已入館而從
龍尚高卧廬山之下六喪未葬特詣宣城謁知府
舍人劉公衮公衮僉判在府中作此詩送之

予蒼布衣昨日脫今日便校秘閣書勿驚韓雷相隱
顯今來古孫名姓俱君看守道已華國先生徂徠猶
把鉏嗟君六喪寄空館富人滿前那可揀壞衣懸鵲
無一錢想像郭公四十萬青雲故人氣如春解令寒

石門文字禪卷一

子

通一

谷生和珍江浦買舟春水生片帆何日到宣城府中
若見空青老從渠爲覓詩遺藁

予在龍安木蛇庵除夕微雪及辰未消作詩記

之二首

終夕不自寐老逐客愁長寒威正折綿歸夢不成往
蕭驚聞打窗氣勢頗春撞地爐對殘缸瓦溝集清響
起看雪覆砌秀色動屏帳歸來簾溜滴生席初未暖
乃知春草微已出嚴凝上但餘薜蘿林落花和月賞
元朝喜見雪一室譚少長新年方下車故歲已長往
和詩如奕棋時時作頭撞知誰徑尋我東牆展齒響